

**ՊԱՅՄԱՆԱԳԻՐ N ՍՊԴ 34 -2024**  
**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ**  
**ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ**

« 01 » 03 2024 թ.

ք. Երևան

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար՝ Հասմիկ Հակոբյանի, որը գործում է պետական մարմնի կանոնադրության հիման վրա, մի կողմից, և «Մարզական հոգեբանների ֆեդերացիա» հասարակական կազմակերպությունը (այսուհետ՝ կազմակերպություն) ի դեմս նախագահ Անժելա Բարխուդարյանի, որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2023 թվականի դեկտեմբերի 28-ի N 2323-Ն որոշումը (այսուհետ՝ որոշում), Հայաստանի Հանրապետության կառավարության 2004 թվականի մայիսի 13-ի N 692-Ն որոշումը, Հայաստանի Հանրապետության սպորտի և երիտասարդության հարցերի նախարարի 2016 թվականի դեկտեմբերի 21-ի N 240-Ա/1 և Հայաստանի Հանրապետության սպորտի և երիտասարդության հարցերի նախարարի 2017 թվականի հուլիսի 24-ի N 146-Ա/1 հրամանները (այսուհետ՝ հրամաններ)՝ «1041. Մեծ նվաճումների սպորտ» ծրագրի «11031. ՀՀ հավաքական թիմերի մարզիկների արդյունավետության բարձրացում» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ**

1.1. Սույն պայմանագրով պետական մարմինը ծրագրի իրականացման նպատակով կազմակերպությանը հատկացնում է որոշմամբ նախատեսված մինչև 4000.0 հազար (չորս միլիոն) դրամ գումար՝ ծրագրով և (կամ) սույն պայմանագրով սահմանված չափաքանակներով՝ հիմք ընդունելով յուրաքանչյուր միջոցառման (այսուհետ՝ միջոցառում) ֆինանսավորման համար կազմակերպության կողմից ներկայացված հայտի հիման վրա պետական մարմնի կողմից մշակված միջոցառման ծախսերի նախահաշիվը, իսկ կազմակերպությունը պարտավորվում է ծրագիրն իրականացնել որոշմամբ և սույն պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները ներկայացված են սույն պայմանագրի անբաժանելի մասը համարվող N1 հավելվածում:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ**

**2.1. Պետական մարմինն իրավունք ունի՝**

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ուսումնասիրելու և (կամ) ստուգելու կազմակերպության կողմից իրականացվող միջոցառումների ընթացքը և որակը՝



առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. որոշմամբ, հրամաններով և սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

2.1.4.1. առանց հիմնավոր պատճառի կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

2.1.4.2. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

2.1.5. հետևելու միջոցառումների կազմակերպման, անցկացման կամ մասնակցության ընթացքին,

2.1.6. պարբերաբար վերլուծել կազմակերպության կողմից իրականացվող աշխատանքները, մշակել առաջարկություններ գործունեության հետագա ծրագրերի բարելավման վերաբերյալ, տալ ցուցումներ բացահայտված թերությունների վերացման ուղղությամբ,

2.1.7. հետ պահանջելու միջոցառման իրականացման համար հատկացված ֆինանսական միջոցների և փաստացի կատարված ծախսերից առաջացած տնտեսումը,

2.1.8. սույն պայմանագրի 2.4-րդ կետի և հրամանների պահանջները չկատարելու կամ ոչ պատշաճ կատարելու դեպքում կազմակերպությունից հետ պահանջել հատկացված ֆինանսական միջոցները կամ դադարեցնել ֆինանսավորումը՝ մինչև թերությունների վերացումը,

2.1.9. հատկացնել միջոցառման ծախսերի նախահաշիվը գերազանցող, փաստացի կատարված, փաստաթղթերով հիմնավորված (այդ թվում ոչ ֆինանսական ցուցանիշների փոփոխության արդյունքում առաջացած) ծախսը պետական մարմնի պատասխանատու ստորաբաժանման կողմից տրված դրական մասնագիտական եզրակացության հիման վրա,

2.1.10. ամփոփելու և գնահատելու կազմակերպության կողմից ներկայացված տարեկան մարզական գործունեության ծրագրի կատարման արդյունավետությունը,

2.1.11. իրականացնելու Հայաստանի Հանրապետության օրենսդրությամբ նախատեսված այլ իրավունքներ:

## **2.2. Կազմակերպությունը իրավունք ունի՝**

2.2.1. պետական մարմնի կողմից գումարները չվճարվելու դեպքում միակողմանի լուծել սույն պայմանագիրը,



2.2.2 պետական մարմնից պահանջելու վերացնել բոլոր այն թերություններն ու բացթողումները, որոնք խոչընդոտում են կազմակերպությանը լիարժեք իրականացնելու իր գործունեությունը սույն պայմանագրի շրջանակներում,

2.2.3 իրականացնել Հայաստանի Հանրապետության օրենսդրությամբ նախատեսված այլ իրավունքներ:

### **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ կամ ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական մարմինների հետ,

2.3.3. իրականացնել ծրագրով նախատեսված այլ աշխատանքներ,

2.3.4. միջոցառումների կազմակերպման, անցկացման կամ մասնակցության նպատակով պետական աջակցության միջոցների շրջանակում, պետական մարմնի կողմից մշակված միջոցառման ծախսերի նախահաշվի սահմաններում, կազմակերպությանը ապահովել համապատասխան ֆինանսական միջոցներով,

2.3.5. կազմակերպության ներկայացրած հայտում և պաշտոնական հրավերում արտարժույթով նախատեսված գումարը հատկացնել ֆինանսավորման հայտը կազմելու օրվա դրությամբ ՀՀ կենտրոնական բանկի սահմանած տվյալ արտարժույթի փոխարժեքին համապատասխան:

### **2.4. Կազմակերպությունը պարտավոր է՝**

2.4.1. պայմանագրով նախատեսված ֆինանսական միջոցներն օգտագործել ծրագրով կամ սույն պայմանագրով սահմանված նպատակներով ու չափաքանակներով,

2.4.2. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն անհապաղ վերացնելու համար,

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.4. իրականացնել ծրագրի շրջանակում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.5. սույն պայմանագրով սահմանված կարգով յուրաքանչյուր միջոցառման ավարտից հետո տասնհինգ աշխատանքային օրվա ընթացքում պետական մարմնին ներկայացնել միջոցառումների իրականացման մասին բովանդակային (ներառյալ՝ իրազեկման բոլոր հարթակների տեսանելի վայրում պետական մարմնի վերաբերյալ տեղեկատվական նյութեր՝ էլեկտրոնային կրիչներով) և ֆինանսական հաշվետվություններ, իսկ ծրագրի ավարտից հետո՝ ամփոփ տարեկան հաշվետվություն: Կազմակերպությունը պատասխանատվություն է կրում ֆինանսական և բովանդակային հաշվետվություններով ներկայացված տվյալների իսկության համար,



2.4.6. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից հինգ աշխատանքային օրվա ընթացքում,

2.4.7. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.8. միջոցառումների իրականացման մասին իրազեկման բոլոր հարթակների տեսանելի վայրում (ներառյալ ազդագրերը, հրավիրատոմսերը, մամուլի հրապարակումները և այլն), ինչպես նաև միջոցառումների իրականացման մասին իրազեկմանն ուղղված ցանկացած գրավոր և/կամ բանավոր խոսքում հրապարակել պետական մարմնի անունը (որպես ֆինանսավորող կողմ), իսկ համաֆինանսավորման դեպքում՝ պետական մարմնին տրամադրել ամբողջական տեղեկատվություն՝ միջոցառումներին աջակցող կազմակերպության(ների), ֆինանսավորման չափի և վերջինիս(ներիս) հետ ձեռք բերված այլ պայմանավորվածությունների մասին,

2.4.9. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել **«Աշխատանքային օրենսգրքով, ինչպես նաև «Գնումների մասին» Հայաստանի Հանրապետության օրենքով** սահմանված կարգով,

2.4.10. հատկացված միջոցներն օգտագործել սույն պայմանագրի 1.2-րդ կետում նշված Հավելված N1-ով նախատեսված միջոցառումների իրականացման համար՝ ղեկավարվելով Հայաստանի Հանրապետության օրենսդրությամբ,

2.4.11. սույն պայմանագրի 1.2-րդ կետում նշված Հավելված N 1-ով նախատեսված ծրագրի իրականացման համար ապահովել Հայաստանի Հանրապետության հավաքական թիմերի, ուսումնամարզական հավաքների մասնակիցների և պատվիրակությունների կազմի ձևավորումը կամ ընտրությունը՝ համաձայն հրամանների,

2.4.12. միջոցառման ֆինանսավորում ստանալու հայտը ներկայացնել պետական մարմին՝ (հրամաններով հաստատված կարգի համաձայն) մինչև միջոցառման անցկացմանը նախորդող ամսվա 15-ը, իսկ միջոցառումների ժամանակացույցի փոփոխության դեպքում՝ այն նախապես համաձայնեցնել պետական մարմնի հետ և այդ միջոցառման հայտը պետական մարմին ներկայացնել մինչև միջոցառման անցկացմանը նախորդող ամսվա 25-ը,

2.4.13. ավարտված միջոցառման փաստացի կատարված ծախսերի հաշվետվությունը (հրամաններով հաստատված կարգի համաձայն և ժամկետներում) ներկայացնել պետական մարմին, նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպությունում և վերջինս պատասխանատվություն է կրում դրանց իսկության համար,

2.4.14. սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում Պետական մարմնին վճարել տույժ՝ սույն պայմանագրի 5.2-րդ և 5.3-րդ կետերով սահմանված կարգով և չափով:



2.4.15. յուրաքանչյուր միջոցառման իրականացման համար հատկացված ֆինանսական միջոցների և փաստացի կատարված ծախսերից առաջացած տնտեսումը վերադարձնել հետ՝ պետական մարմնի պահանջով,

2.4.16. չծախսված գումարի վերջնական, տարեվերջյան մնացորդը (տնտեսումները, խնայողությունները) վերադարձնել Հայաստանի Հանրապետության պետական բյուջե ոչ ուշ, քան 2024 թվականի դեկտեմբերի 20-ը, իսկ ժամանակացույցով պայմանավորված ավելի ուշ ավարտվող միջոցառումների իրականացման արդյունքում առաջացած տնտեսումը վերադարձնել Հայաստանի Հանրապետության պետական բյուջե՝ կողմերի ստանձնած պարտավորությունների ամբողջ ծավալով կատարումից հետո:

### **3. ՄՈՆԻԹՈՐԻՆԳԸ**

3.1. Պետական մարմինը ծրագրի իրականացման արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

### **4. ԿՃԱՐՄԱՆ ԿԱՐԳԸ և ԺԱՄԿԵՏՆԵՐԸ**

4.1. Սույն պայմանագրի 1.1-ին կետով նախատեսված գումարը պետական մարմինը փոխանցում է կազմակերպությանը՝ համաձայն սույն պայմանագրի անբաժանելի մասը կազմող Հավելված N2-ի՝ վճարման ժամանակացույցի:

4.2. Պետական մարմինը վճարումն իրականացնում է անկանխիկ՝ դրամական միջոցները կազմակերպության հաշվարկային հաշվին փոխանցելու միջոցով:

4.3. Սույն պայմանագրի 1.1-ին կետում նշված գումարի չափը կարող է փոփոխվել սույն պայմանագրով, ինչպես նաև Հայաստանի Հանրապետության օրենսդրությամբ սահմանված հիմքերով ու կարգով:

### **5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

5.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

5.2. Սույն պայմանագրով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝



ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար:

5.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմինն վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

5.4. Սույն պայմանագրի 5.2-րդ և 5.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառման իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով:

5.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.6. Տույժերի կամ տուգանքի վճարումը կողմերին չի ազատում իրենց պայմանագրային պարտավորությունները լրիվ կատարելուց:

## 6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

6.1. Պայմանագիրն ուժի մեջ է մտնում կողմերի ստորագրման պահից և գործում է մինչև պարտավորությունների ամբողջ ծավալով կատարումը:

## 7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## 8. ԵԶՐԱՓՈՒԿ ԴՐՈՒՅԹՆԵՐ

8.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:



8.2. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

8.3. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի և սպորտի նախարարություն  
Հասցե՝ ք. Երևան, Կառավարական 2-րդ շենք

ՀՀ ՖՆ գործառնական վարչություն  
Հ/Հ 900011039543  
ՀՎՀՀ՝ 02698732

Գլխավոր քարտուղար՝

 Կ. Տ.



### ԿԱԶՄԱԿԵՐՊՈՒԹՅՈՒՆ

«Մարզական հոգեբանների ֆեդերացիա»  
հասարակական կազմակերպություն  
ք. Երևան, Աճեմյան փ.տ.28  
«ԱԿԲԱ-ԿՐԵԴԻՏ ԱԳՐԻԿՈՆ ԲԱՆԿ» ՓԲԸ  
Հ/Հ՝ 2020533350215000  
ՀՎՀՀ՝ 00495401  
[fed.sportpsy@gmail.com](mailto:fed.sportpsy@gmail.com)  
Նախագահ՝



Ա. Բարխուլարյան

Կ. Տ.



Մ Ի Ջ Ո Ց Ա Ռ ՈՒ Մ Ն Ե Ր

ՀԱՅԿԱՍՏԱՆԻ  
2024 թ. փետրվարի 1-ին  
կնքված N ՍՊԴ 34 -2024 պայմանագրի

Իրականացվելիք միջոցառման անվանումը	Համառոտ բովանդակությունը	Կատարման գործառույթների նկարագիրը	Ենթակա Ավելակվող արդյունքները և վերջնաժամկետը որանց գնահատման չափանիշները	Արդյունքները Սարդախան գործունեության ինստիտուտների 30-ը հիմնականում տարբեր կողմերին Համապատասխան մարզիկների հոգեբանական պատրաստականության վիճակի բարելավում և կայունացում: Գնահատման շրջափուլի իրականացվում է մեկ տարի՝ օլիմպիական ծրագրում մարզանների երիտասարդների հոգեբանական պատրաստականության մեծահասակների հավաքականների	2024 թ.	Պահանջվող գումարը (հազ. դրամ)
1. «ՀՀ հավաքականների մարզիկների արդյունավետության բարձրացում»	Օլիմպիական խաղերի ծրագրում ընդգրկված մարզանների երիտասարդների և մեծահասակների ՀՀ հավաքականների 15 մարզիկների հավաքականների 15 մարզիկների հոգեբանական աջակցության իրականացում, որն իր մեջ ներառում է հոգեբանական և հոգեֆիզիոլոգիական ակտիվություն գործիքային և ոչ գործիքային մեթոդներով, այնուհետև հոգեբանական ազդեցության տարբեր մեթոդների կիրառում առկա խնդիրների լուծման և չեզոքացման նպատակով: Մարզիկների սրցակցային գործունեության պահանջների համապատասխանող բարենպաստ հոգեբանական վիճակի ապահովում:	ՀՀ հավաքականների մարզիկների սարդախան գործունեության, մրցակցային արդյունավետության բարձրացմանը նպաստող հոգեբանական ազդեցության մարզիկների համակարգային կիրառում:	Համապատասխան մարզիկների հոգեբանական պատրաստականության վիճակի բարելավում և կայունացում: Գնահատման շրջափուլի իրականացվում է մեկ տարի՝ օլիմպիական ծրագրում մարզանների երիտասարդների հոգեբանական պատրաստականության մեծահասակների հավաքականների	և	4000.0	

ՊԵՏԱԿԱՆ ՄԱՐՄԻՆ

ԿԱԶՄԱԿԵՐՊՈՒԹՅՈՒՆ

ՀՀ կրթության, գիտության, մշակույթի և սպորտի  
Նախարարություն  
Հասցե՝ ք. Երևան, Կառավարական 2-րդ շենք  
ՀՀ ՖՆ կործանական վարչություն  
Հ/Հ՝ 900011039543  
Հ/Հ՝ 02698732  
Գլխավոր քարտուղար  
Կ.Տ.



«Մարզական հոգեբանների ֆեդերացիա»  
հասարակական կազմակերպություն  
ք. Երևան, Աճառյան փ.տ.28  
«ԱԿԲԱ-ԿՐԵՐԻՍ ԱԳՐԻԿՂՆ ԲԱՆԿ» ՓԲԸ  
Հ/Հ՝ 2020533350215000  
Հ/Հ՝ 00495401  
fed.sportpsy@gmail.com  
Նախագահ  
Կ.Տ. Ա. Բարխուդյան



4000.0



ՀԱՎԵԼՎԱԾ N 2  
 «01» «03» 2024 թ. N ՍԿԻ 31/ - 2024  
 պայմանագրի

ՖԻԼԱՆՍԱԿԱՆ ԴՈՐՏԱԿՈՐՈՒԹՅՈՒՆԼԵՐԻ ԿԱՏԱՐՄԱՆ ԺԱՄԱՆԱԿԱՅԻՆ 33

Կազմակերպության անվանումը «Մարզական հոգեբանների ֆեդերացիա» ՀԿ

«ՀՀ հավաքական թիմերի մարզիկների արդյունավետության բարձրացում»

Նախատեսվում է ֆինանսավորել Հայաստանի Հանրապետության 2024 թվականի պետական բյուջեից, այդ թվում ըստ ամիսների /աճուրական/

1041	11031	Երկրամսական հոգեբանների ֆեդերացիայի ծախսերի տնտ. դասակարգման հոդվածը														
		Ինտանյակ			I կիսամյակ				9 ամիս				տարի			
		հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր			
		0	0.0	3200.0	3200.0	3200.0	3200.0	3200.0	3200.0	3200.0	3200.0	4000.0	4000.0	4000.0	4000.0	
«Մարզական հոգեբանների ֆեդերացիա» ՀԿ-ի միջոցառումներ	4639	0	0.0	3200.0	3200.0	3200.0	3200.0	3200.0	3200.0	3200.0	3200.0	4000.0	4000.0	4000.0	4000.0	
Ընդամենը	0	0.0	3200.0	3200.0	3200.0	3200.0	3200.0	3200.0	3200.0	3200.0	3200.0	4000.0	4000.0	4000.0	4000.0	

Պետական մարմին՝

ՀՀ կրթության, գիտության, մշակույթի և սպորտի նախարարություն  
 Երևան, Կոտայկոյան տուն N 2, Վազգեն Սարգսյան 3

Կազմակերպություն՝

«Մարզական հոգեբանների ֆեդերացիա» ՀԿ  
 Երևան, Աճեյան փ.տ.28  
 Բանկ՝ «ԱԿԲԱ-ԿՐԵԴԻՏ ԱԳՐԻՎՈԼ ԲԱՆԿ» ՓԲԸ

ՀՀ ՖՆ գործառնական վարչություն  
 Հ/Հ 900011039543, ՀՎՀՀ 02698732

ՀՀ ՖՆ գործառնական վարչություն  
 ՀՀ2020533350215000 ՀՎՀՀ 00495401

Գլխավոր քարտուղար՝

*[Handwritten Signature]*

